



Her vil det bli asfaltert til våren.

Skårhaug Vel har hatt medlemsmøte i dag og gjort vedtak om å gjennomføre etappe 2 i asfalteringsplanen. Medan det vart asfaltert 84 meter hovudveg i august i fjor skal det i denne etappen leggjast 90 meter til våren.

Rekninga for 11 oppsittarar i fjor kom på 70.800 kroner medan neste rekning - for 8 av oppsittarane - truleg blir rundt 80.000 kroner. Summen blir fordelt etter ein bestemt nøkkel. I tillegg kjem det kvar og ein må betala for sideveggar Dei blir naturleg nok asfaltert samtidig..



[Jan Henrik Hansen - glad for ny asfalt-etappe.](#)

Det er stor tilfredsheit over at asfalteringa blir gjennomført og no fullført i den brattlendte 'bydelen' der det første huset vart reist før krigen og det siste for få år sidan. Det er plass til fleire hus, men her kjem avkøyrslproblema inn som ein hindring.





Første asfaltetappe opp frå fylkesvegen vart lagd i fjor.

Første etappe stoppar like ovanfor svingen medan den neste etappe går opp til Sjøwalls garasje. Haugland Maskin skal som i fjor gjera førebuingane og her kan det også bli aktuelt med ein viss dugnadsinnsats. NCC gjennomførde sjølve asfalteringa, Det vil vera praktisk å venta til våren med prosjektet på grunn av tilhøva på sidevegane.

Det møtte 9 av 11 medlemmer på medlemsmøtet, og dei var også opptekne av høgspenlinja som etter lang ventetid framleis ikkje er lagt i bakken . Det vil bli teke nye initiativ for å få fart i dette prosjektet.

Jan Henrik Hansen er formann i Skårhaug Vel medan Nils Haugland er kasserar og Jens Jacob Haugland styremedlem.

Tekst og foto: Ola Matti Mathisen.



Asfalteringa i full gang i fjor.